



Inatsisartut

Att. Inatsisartunut ilaasortaq Ane Hansen

**Sooq illuaqqat asimil nunaannarmi sissamiit 100 meterinit ungasinnerusumi inissinneqartassanersut pillugu apequteqaat pillugu.**

04-11-2015  
Sags nr. 2015 - 3170  
Akt. nr. 1407265

Asasara Ane Hansen,

Postboks 1614  
3900 Nuuk

Sooq illuaqqat sinerissap killinganiit 100 meterinit ungasinnerusumik inissinneqartartussaansut pillugu ulloq 21. oktober 2015 Inatsisartuni akunnermi apequteqarfissap nalaani apequteqaaternut qujanaq. Ataani atsiortunga matumuuna apequteqaaternut allakkatigut akissuteqaat nassiuppara.

Tlf. (+299) 34 50 00  
Fax (+299) 34 54 10  
E-mail: [paian@nanoq.gl](mailto:paian@nanoq.gl)  
[www.naalakkersuisut.gl](http://www.naalakkersuisut.gl)

Asimi nunaannarmi sineriaq sinerlugu illuliorfiit *pinngortitamik illersuineq pillugu Inatsisartut inatsisaat nr. 29, 18. december 2003-meersumi* Kapitali 8-imi maleruagassaqartinneqarpoq.

Inatsimmi allassimavoq illoqarfiit nunaqarfiillu killeqarfiisa avataanni sissamiit 100 meterinik qaninnerusumi illunik inissiisoqassanngitsoq, naasunik orpinnilluunniit ikkussuisoqassanngitsoq, naatitsisoqassanngitsoq kussiortoqassanngitsorlu imaluunniit allatigut nunap pissusia allanngortinneqassanani, takuuk § 26. Tamatumunnga pissutaavoq kuuit sinerissallu sinerlugit uumassusillit immikkut ittumik annertuumik assigiinngisitaarnerujussuat, takukkit inatsimmut nassuiaatit. Tassa imaappoq kuuit sinerissallu sinerlugit uumasut naasullu immikkut ittumik amerlasoorujussuusarput. Aammattaaq inatsimmut nassuiaatini allassimavoq, aamma inuit kuunnet kangerlunnulu ornigukkumasartut. Taamaattumik kuuit sinaasa sinerissallu isorartussusaasa allanngutsaaliorneqarnissaat illuliorfigineqannginnissaannut, atornerqarpallaannginnissaannut, nungullarsarneqannginnissaannut aserorterneqannginnissaannullu illersuinissaq immikkut pisariaqartinneqarpoq.

*Immikkut ittumik akuerineqarnissamut periarfissat asimut pilersaarummi aalajangersaavigineqartarpoq*

Tamanna asimut pilersaarummi aalajangersaavigineqarsimappat, sissamit 100 meterinit qaninnerusumi sunngiffimmi takornarianullu atugassanik illuaraliornissamut kommunit periarfissiisinaapput, takuuk Pinngortitamik allanngutsaaliuinnermut inatsimmi § 30. Asimut pilersaarut taamaattoq Naalakkersuisunit akuersissuteqarfigineqassaaq.

Neriuppunga apequteqaatit tamakkiisumik akisimassallugu.

Inussiarnersumik inuulluaqqusillunga

  
Mala Høy Kúko